

MAGNIFICO, CLARISSIMO, DOCTISSIMOQVE VIRO, D. SEBASTIANO HAYDLAVF MOSKIRCHENSI, SS. Theologiæ Licentiato, D. Virginis Mariæ apud Ingolstadienses Parocho, & celeberrimæ Ingolstadiensis Academiae Rectori, Domino ac Patrono suo colendissimo.

**L**ongo tempore, Magnifice Domine Rector, amore tuarum clarissimarum uirtutum incensus, et maximis tuis beneficijs obligatus, toto tibi animo deditus fui, ac singularem tuam amplitudinem omnibus meis officijs colendam mihi proposui. Dum autem hanc meam uoluntatem quottidie declarare cõtenderem, commoda sanè sese hisce diebus obtulit occasio, cum ad dignam tua uirtute & prudentia rerum administrationem uocatus, sine ambitione ulla, nemine contradicente, Clarissimorum & Doctissimorum uirorum suffragijs, Alinæ Ingolstadiensis Vniuersitatis Rector es renunciatus. Ita quidem ut hæc summa honoris accessio, maximum indicium dignitatis fecerit, apertissimeq; tantam tamq; eximiam uirtutem, quanta in te semper fuit, ad Reipublicæ literariæ utilitatem promouendam, quam primum & quam maxime necessarium esse ostenderit. Quare & nomen, & uirtus & dignitas tua tanta nunc est in omnium opinione, ita tua ad summum Reipub: literariæ honoris gradum electio, omnibus grata & accepta est, ut non in maiori hominum estimatione opinioneq; esse possit. Quæ cum ita sint, & ego hisce diebus, ut officio meo satisfacere, Theses aliquot publicè discutiendas examinandasq; proponere constituissem, illas cum ea potissimum ratione, ut de tuæ dignitatis amplificatione tibi gratularer, tum ut amplissimis tuis officijs ex parte responderem, tibi dedicare uolui, quare ut eadem nunc & bonitate & integritate animum meum desiderio satisfaciendi, gratiamq; referendi flagrantem, pro relata gratia accipias, qua integritate animiq; præstantia me ab initio deuincire uoluisti, quam maximis possum precibus oro atq; obtestor. Vale. Datæ Ingolstadij Calendis Februarij, Anno salutis recuperatæ 1569.

Tuæ Magnificentiae deditissimus,

Ioannes Iacobus Vualdkirch.

THESES PHILOSOPHICÆ, QUIBVS PVBLICE DISPVTANDIS, Deo optimo auxiliante: Annuentibus excellentissimis ac Doctissimis facultatis Philosophicæ Professoribus, statim post supremam in Philosophicis studijs lauream susceptam, Præsidebit M. Martinus Dornnerus Vndermarchtalensis: Respondente Nobili ac erudito bonarum artium Baccalaureo, Ioanni Iacobo Vualdkirch.

### METAPHYSICÆ.

**O**mnia, quæ per se spectant ad obiectum Metaphysicæ sunt, re & ratione à materia abstracta: partes obiecti Metaphysicæ una communi ratione formali, contineri nequeunt.  
Vnitas specifica uel numerica scientiæ non sumitur ex abstractione, sed ex ratione formali obiecti ut res est.  
Ens quod proximè diuiditur in decem genera non est ens finitum, quod contra ens infinitum, passionis, & ens habens passionis distinguitur, sed illud, quod solas naturas complectitur.

### LOGICÆ.

**L**icet inter graues authores controuersia sit, an Quantitas à substantia & Qualitate re distinguatur, nos tamen cum D. Thoma & Auerroè re distinguimus esse instrumentum sciendi uniuocè definitioni & demonstrationi conuenit. (firmamus.)  
Demonstratio, quæ per rei essentiam assignatur nobilitate & perfectione omnes alias demonstrationes longè superat, definitione tamen est imperfectior.

### ETHICÆ.

**P**hilosophia moralis, quæ omnium scientiarum artificibus, præcipuè Theologis, iuris peritis & medicis perutilis est, inter scientias Practicas sine ulla controuersia est reponenda. (rum externorum.)  
Summum bonum seu felicitas, quæ secluso fidei lumine in hac uita haberi posse uidetur est operatio secundum uirtutem in uita perfecta cum affluentia bonorum.  
Vera & perfecta uirtutis definitio est illa, quam à Philosopho accepimus, nempe uirtutem esse habitum electiuum in mediocritate positum, eaque ad nos est definita recta ratione, ut definerit sapiens.

### PHYSICÆ.

**N**aturalis Philosophiæ obiectum, non est ens mobile, sed corpus mobile, ut Alberto Magno placuit. (scientia.)  
Philosophia naturalis non sortitur unitatem specificam scientiæ à suo obiecto formali ut obiectum est, nec ut res est, & ideo nullo modo est una species.  
Vnitas specifica motus à termino ad què non aut à quo, numerica uerò, ab atoma unitate mobilis, temporis, et eius in quo fit motus, nempe termini petenda est.  
Cælum est substantia quædam simplex & completa, & ideo nec ex elementis, nec ex materia & forma compositum.  
Eadem numero accidentia, quæ materiam consequuntur ut Quantitas, uel ex potentia materiæ uel alicuius agentis educuntur, ingenito & corrupto remanere.  
Agentia naturalia, habent uirtutem, qua generent sibi simile, omnia enim homine excepto uel propria effectum producunt. (possunt.)  
In mixto non solum remanent elementorum uirtutes, uerum etiam formæ ipsorum ut rectè Auerroës semit.  
Ventus est multitudo exhalationis calidæ & siccæ eleuata à terra & à latere circa eandem motæ.  
Tonitruum est sonus factus in nubibus ex uolenta percussione exhalationis calidæ & siccæ ad nubium latera.  
Omnes animæ dempta anima cœli tam secundum ueram Philosophiam, quam secundum Aristotelis sententiam sunt actus corporis informantes.  
Anima uegetatiua, sensitua & rationalis, secundum substantiam et omnium operationum principia in singulis corporis partibus, quæ ad constitutionem animalis pertinent inueniuntur.  
Hæ positiones publicè in aula Albertina ueteris Collegij disputabuntur pridie nonas Februarij, Anno Dni 1569.

INGOLSTADII EXCVDEBAT ALEXANDER WEISSENHORN.

